



Chel che al è par rivâ al sarà un fin setemane dut targât **Gnognosauri** pai apasionâts di fumuts e marilenghe. Il gnûf libri a strichis di **Dree Venier** cui simpatics dinosauruts che a fevelin par furlan al è jessût tes libreriis di pôc, e cumò l'autôr al sarà protagonist di cualchi incuintri par presentâlu a ducj i *gnognopassionâts*. Vie pes presentazions **Dree** al sarà disponibil par fâ des *dedicacès* (disens cun dediche) par chei che a compraran il libri.

- Si tache di **vinars ai 26 a Spilimberc aes 18** li de osterie "**Al Buso**" (vie Simoni 8). L'editôr Orazio Cantiello al introdusarà l'autôr **Dree Venier** e la senegjadore **Elisabetta Pittana**. Ae fin si fasarà un ghiringhel cun "gnognotartinis" e "gnognococktail" cui nons dai personaçs.

- **Sabide ai 27, simpri aes 18** l'apontament al è li de **librerie Friuli** in Largo dei Pecile a Udin. Intune senografie ispirade al "zâl" (il slogan cun cui al è stât promovût il libri al è "I Gnognosauri, colpevui di... fâ murî di ridi"), cun autôr e senegjadore al sarà presint ancje **William Cisilino** responsabil P.O. Lenghis minoritariis de Regjon F-VJ

- **Domenie ai 28 di Novembar**, invésit, **aes 17** li di *Cjase Rinaldi Uarnèl* a San Luring di Sedean (Vie Çorut, n. 1) e vignarà fate la scree de mostre *I Gnognosauri*. E je une mostre sui personaçs li che si podaran viodi lis taulis originjâls, i libris, i quadri *Gnognoiboi*, cun di plui si podarà "fâ la foto cui Gnognosauri" e disegnâ, insiemi cun **Andrea Venier** e **Elisabetta Pittana**, i Gnognos e tant altri.

